

**БЕКІТЕМІН**  
**«Бірінші болу – батылдық» корпоративтік қорының**  
**Атқарушы директоры**



**С.Н. Қазыбаева**  
**2024 жылғы «5» қаңтар**

**«Almaty Corp Run 2024»**  
**жүгіру жарысын өткізу туралы**  
**ЕРЕЖЕ**

**Алматы қ., 2024 ж.**

# «Almaty Cora Run 2024» жүгіру жарысын өткізу туралы ЕРЕЖЕ

## 1. ЖАРЫСТЫ ӨТКІЗУ МАҚСАТТАРЫ

Almaty Cora Run 2024 (бұдан әрі – «Жарыс») – 100 метр, 1000 метр және 3000 метр қашықтықтарына жыл сайынғы жүгіру жарысы. Алматы қаласының әрбір тұрғыны мен қонағы қатыса алатын қалалық жүгіру және спорт әуесқойларының мерекесі.

### Жарысты өткізу мақсаттары:

- жүгіру жүрісті насихаттау;
- жүгірушілерді халықаралық марафон жарыстарына дайындау;
- дені сау ұлт қалыптастыру;
- бұқаралық спортты дамыту;
- Алматы қаласының тұрғындары мен қонақтарының арасында салауатты өмір салтын насихаттау;
- зиянды әдеттерден (темекі шегуден) бас тарту.

## 2. ЖАРЫСТЫ БАСҚАРУШЫ ҰЙЫМ

2.1. Жарысты өткізу кезінде жалпы басшылықты «Бірінші болу – батылдық» корпоративтік қоры жүзеге асырады.

2.2. Жарысты дайындау мен өткізуді ұйымдастыру «Бірінші болу – батылдық» корпоративтік қорының Ұйымдастыру комитетіне (бұдан әрі – «Ұйымдастыру комитеті») жүктеледі.

## 3. ЖАРЫСТЫҢ ӨТЕТІН ОРНЫ МЕН УАҚЫТЫ:

3.1. Жарыстың өтетін күні мен уақыты: 2024 жылғы «17» наурыз, сағ. 08:30-дан 17:00-ге дейін.

3.2. Жарыстың өтетін орны: Алматы қаласы, Орталық стадион.

Барлық қашықтықтардың сәресі мен мәресі: Орталық стадион, Абай даңғылы, 48.

## 4. ЖАРЫС ҚАШЫҚТЫҚТАРЫ ЖӘНЕ ЖАС САНАТТАРЫ

4.1. Жарыс бағдарламасына мына қашықтықтар енгізілді:

- 100 м қашықтығы;
- 1000 м қашықтығы;
- 3000 м қашықтығы.

4.2. Жарыстың жас санаттары:

4.2.1. (100 метр) қашықтығындағы жас санаттары:

- 18-24 жас;
- 25-30 жас;
- 31-35 жас;
- 36-40 жас;
- 41-45 жас;
- 46-50 жас;
- 51+.

4.2.2. (1000 метр) қашықтығындағы жас санаттары:

- 18-24 жас;
- 25-30 жас;
- 31-35 жас;
- 36-40 жас;
- 41-45 жас;
- 46-50 жас;

- 51+.

#### **4.2.3. 3000 метр қашықтығындағы жас санаттары:**

- 18-24 жас;
- 25-30 жас;
- 31-35 жас;
- 36-40 жас;
- 41-45 жас;
- 46-50 жас;
- 51+.

Тіркеуге біліктілік алу үшін біліктілік уақытына сәйкес расталған нәтижелерді тіркеу қажет. Өтінім берілген сәтке дейін соңғы 3 (үш) жыл ішінде өткен Жарыстардың нәтижелері ескеріледі.

3000 м қашықтықты қосуға үміткерлер үшін біліктілік уақыты

- Ерлер: 10 км 50 минутқа дейін және/немесе 5 км 25 минутқа дейін
- Әйелдер: 10 км 60 минутқа дейін және/немесе 5 км 30 минутқа дейін.

#### **4.2.4. Командалық сынақ**

Спринт: 100м

Орташа қашықтық: 1000м, 3000м

Бір командадан қатысушылар саны-10 адам (5 ер адам, 5 әйел)

Командалық есепте команда қатысушылары алатын орындар жинақталады. Бірінші орын үшін 1 (бір) балл, 10 орын (он) балл және т.б. беріледі. Ең аз балл жинаған Команда жеңімпаз деп танылады.

Команданың әр мүшесі бірнеше қашықтыққа қатыса алады, бірақ жиынтықта 5 ер және 5 әйел баллдары болуы тиіс.

Спортшы жарысқа (жарыстарға) келмеген, шеттетілген немесе қашықтықтан кеткен жағдайда командаға 2 (екі) балл қосып, жарысқа қатысушылар санына тең айыппұл балы есептеледі.

Команданың өтінімін (ТАӘ, сөрелік нөмірі, сондай-ақ әрбір қатысушыға мәлімделген қашықтық) 2024 жылдың 03 наурызына дейін: [info@almaty-marathon.kz](mailto:info@almaty-marathon.kz) электрондық мекенжайына жіберу қажет.

## **5. ЖАРЫС ҚАТЫСУШЫЛАРЫ**

### **5.1. Жарысқа қатысуға мына жас санаттарындағы адамдар жіберіледі:**

- 18 жастан асқан және одан жоғары жастағы қатысушылар.

**5.2.** Жарысқа тіркеу кезінде Жарыс өтетін кездегі толық жас мөлшері есепке алынады.

## **6. ЖАРЫСТЫ ҰЙЫМДАСТЫРУ ЖӘНЕ ӨТКІЗУ ШЫҒЫНДАРЫ**

**6.1.** Жарысты ұйымдастыру және өткізу шығындарын Ұйымдастыру комитеті көтереді.

**6.2.** Жарыстың жол жүрумен, орналасумен және тамақтанумен байланысты шығындарын қатысушыларды іссапарға жіберген ұйымдар немесе Жарысқа қатысушылардың өздері көтереді.

## **7. ҚАТЫСУШЫЛАРДЫ ТІРКЕУ ЖӘНЕ ЖАРЫСҚА ҚАТЫСУҒА РҰҚСАТ БЕРУ**

**7.1.** Жеке қашықтықтарда (100 м, 1000 және 3000 м) Жарысқа қатысушыларды тіркеу [www.almaty-marathon.kz](http://www.almaty-marathon.kz) интернет-сайтында **2024 жылғы «15» қаңтарда** басталып, **2024 жылғы «03» наурызда** немесе қатысушылар саны 700-ге (жеті жүзге) жеткен кезде аяқталады.

**7.2.** Жарыстың корпоративтік қатысушыларын тіркеу [info@almaty-marathon.kz](mailto:info@almaty-marathon.kz) электронды поштасына сұраным жолдау арқылы жүзеге асырылады. Бір компаниядан Жарысқа қатысушылар саны 30 (отыз) адамнан артық болуы тиіс. Жарысқа қатысушылар саны 30 (отыз) адамға жетпейтін Ұйымдар / Компаниялар [www.almaty-marathon.kz](http://www.almaty-marathon.kz) интернет-сайтында өз бетінше тіркеледі.

Корпоративтік қатысушылар – Жарысқа қатысу ақысын ұйымдастыру комитетінің есеп айырысу шотына ақша аудару арқылы қатысушылардың ұйымы / компаниясы төлейтін жеке қашықтықтардағы (100 м, 1000 м және 3000 м) қатысушылар. Тіркеу корпоративтік қатысушылардың өкілінен электронды поштаға сұраным жолдау және арнайы нысанды толтыру негізінде жүзеге асырылады.

**7.3.** [www.almaty-marathon.kz](http://www.almaty-marathon.kz) интернет-сайтында онлайн-тіркеу рәсімінен өтіп, Жарыстың нақты бір қашықтығына тіркелу фактісі бойынша берілген ID нөміріне сәйкес сөрелік жарнаны төлеген қатысушы Жарысқа тіркелген болып саналады. Жарысқа қатысушылар тізіміне тек ақысы төленген өтінімдер ғана енгізіледі.

**7.4. Жарысқа қатысушы тіркелу және сөрелік жарнаны төлеу арқылы Жарысты өткізу туралы осы Ереженің барлық талаптарымен келіседі.**

**7.5. Жарыс қашықтықтарының сөрелік жарналарының құны:**

- 100 м қашықтығы – 7 000 (жеті мың) теңге;
- 1000 м қашықтығы – 7 000 (жеті мың) теңге;
- 3000 м қашықтығы – 7 000 (жеті мың) теңге.

**7.6. Жарыста қашықтықты ауыстыру 2024 жылғы «03» наурызға дейін қоса алған кезеңде ғана мүмкін болады.** Жарысқа қатысу слоты сатып алынып қойған жағдайда, Ұйымдастыру комитетіне хабарласып, Жарыс қашықтығын ауыстыру үшін 1 000 (бір мың) теңге төлеу қажет. Жарыс қашықтығы аздан көпке ауыстырылған жағдайда, слоттар құнының айырмасы да қосымша төленеді. Жарыс қашықтығы көптен азға ауыстырылған жағдайда, слоттар құнының айырмасы **қайтарылмайды!** Жарыс қашықтығы таңдалған Жарыс қашықтығында бос слоттар болған жағдайда ғана ауыстырылады. Жарыстың атаулы нөмірі бір қашықтықтан екіншісіне ауыстырылғанда атаулы нөмір сақталмайды.

**7.7. Жарысқа қатысу үшін төленген қаражат қайтарылмайды.** Дұрыс емес немесе басқа біреудің ID нөміріне жіберілген қаражат **қайтарылмайды** және Жарыстың басқа қатысушысына, сондай-ақ «Бірінші болу – батылдық» КҚ-ның басқа Жарысына қатысу ақысы ретінде аударылмайды.

**7.8. Қатысушының сөрелік нөмірі қайтарылмайды және айырбасталмайды.**

**7.9. Сөрелік нөмірі жоқ қатысушылар Жарысқа жіберілмейді!**

**7.10.** Жарысқа қатысушының сөрелік нөмірі анық көрінуі тиіс. Жарысқа қатысушының сөрелік нөмірі алдыңғы жақтағы кеуде тұсында немесе бел буатын белдікте орналастырылуы тиіс.

**7.11. Жарысқа өзге біреудің нөмірімен қатысуға тыйым салынады!** Сөрелік нөмірлерді басқа адамдарға беру фактісі анықталған жағдайда, нөмірді берген Жарыс қатысушысы мен басқа біреудің нөмірін алған Жарыс қатысушысы осы Жарысқа қатысудан шеттетіліп, нәтижесінің күші жойылады. Келесі 3 (үш) Жарысқа да қатысуға рұқсат етілмейді.

**7.12. Жарысқа құлаққашпен қатысуға тыйым салынады.**

**7.13.** Мүгедектігі бар қатысушылар қатысу слотын тегін ала алады. Бұл үшін 2024 жылғы 01 наурызға дейін [info@almaty-marathon.kz](mailto:info@almaty-marathon.kz) адресіне өтінім жіберу қажет. Өтінімде осы шараға тіркелген ID нөмірі, қатысушының аты-жөні, қашықтығы, сондай-ақ мүгедектігін растайтын

құжаттары көрсетілуі тиіс. Алып жүретін адам қатысу ақысын өзі төлейді. Мүгедектігі бар қатысушыларға арналған слоттар саны шектеулі. Барлық тегін слоттар алынып қойған жағдайда, Ұйымдастыру комитеті спортшыға тегін қатысу мүмкіндігін бермеу құқығын өзіне қалдырады.

## **8. СӨРЕЛІК ЖИНАҚТАРДЫ БЕРУ**

**8.1.** Жарыс қатысушыларына сөрелік жинақтар Алматы қаласында **2024 жылғы «15» және «16» наурыз күндері, сағ. 10:00-ден 20:00-ге дейін** беріледі.

**Мекенжайы:** Алматы қ., Наурызбай батыр көшесі, 111.

**Назар аударыңыз!** Жарыс қатысушыларына сөрелік жинақтар басқа күндері берілмейді.

**8.2. Қатысушының сөрелік жинағына сөрелік нөмір, нәтижені тіркеуге арналған чип, қатысушы жадынамасы, түйреуіштер кіреді.**

**8.3.** Жарыстың корпоративтік қатысушылары сөрелік жинақтарын Жарысты өткізу туралы осы Ереженің 9.1-тармағында көрсетілген сөрелік нөмірлерді беру уақытында **2024 жылғы «15» және «16» наурыз күндері** ала алады. Жарысқа қатысушылардың сөрелік жинақтарын алу үшін (түпнұсқасын немесе электрондық форматта) өз жеке куәлігін және қатысушылардың өз қолымен қол қойған денсаулық туралы қолхаттарын көрсеткен кезде.

**8.4. Жарысқа қатысушылар бір мезгілде мына құжаттары болған жағдайда ғана жарысқа жіберіледі:**

**18 жастан асқан және одан жоғары жастағы қатысушылар үшін:**

- қатысушының жеке куәлігі (түпнұсқа немесе электрондық форматта);
- Денсаулық туралы қолхат.

**Барлық құжаттар қағазға басып шығарылған күйінде ұсынылуы тиіс.**

**8.5.** Егер Жарысқа Қатысушы өзінің сөрелік жинақтығын өз бетінше ала алмаған жағдайда, оны беру күндері басқа адам жарысқа қатысушының атынан (жазбаша немесе электрондық форматта) денсаулығы туралы қолхаттар алатын Қатысушының жеке куәлігін (түпнұсқа немесе электрондық форматта) көрсеткен кезде алып кете алады;

**8.6.** Қатысушы өзінің сөрелік жинағын білмесе / ұмытып кетсе / алуға үлгермеген болса, сөре өткеннен кейін онлайн-трекер бойынша медаль беру мүмкін болмайды.

**8.7.** Басқа жағдайлар 2024 жылғы 17 наурыз күнгі сағ. 14:00-ге дейін [info@almaty-marathon.kz](mailto:info@almaty-marathon.kz) поштасына өтінім берген кезде жеке қарастырылады.

## **9. ЖАРЫСТАР БАҒДАРЛАМАСЫ (кейінірек жарияланады)**

### **10. САҚТАУ КАМЕРАСЫ**

**10.1.** Ұйымдастырушы Қатысушы сөмкесінің ішіндегі заттарға жауапты болмайды.

**10.2.** Сақтау камерасына бағалы заттарды, ақшаны, әшекейлерді өткізбеуге кеңес береміз. Ұйымдастыру комитеті сөмкелердегі заттардың жоғалғаны туралы кінәрат-талаптарды қарастырмайды.

**10.3.** Заттарды сақтау камерасына өткізу кезінде қатысушы сөрелік нөмірге бекітілетін стикерді алады. Стикер жоғалған жағдайда, сөмке Қатысушыға жарыс өткен күні берілмейді. Сөмкені шара аяқталғаннан кейін бір аптаның ішінде, сөмкенің ішіндегі заттарды нақты атай отырып, «Бірінші болу – батылдық» КҚ кеңсесінен алып кетуге болады.

### **11. НӘТИЖЕЛЕРДІ ЕСЕПТЕУ ЖӘНЕ ЖАРЫС ЖЕҢІМПАЗДАРЫН АНЫҚТАУ**

**11.1.** Жарыс қатысушыларының нәтижесі Жарыстың электронды хронометраж жүйесінде тіркеледі және оны Жарыстың төрешілер алқасы растайды. Жарыс жеңімпаздары мен жүлдегерлерін анықтау мәре сызығына жету фактісі бойынша жүзеге асырылады.

**11.2.** Жарыс жеңімпаздары мен жүлдегерлерін анықтау «World Athletics» ережелеріне сәйкес жүзеге асырылады.

### **11.3. Жарысты өткізу тәртібі:**

11.3.1. 100 метр және 1000 метр қашықтықтағы жарыс 2 (екі) айналымда (іріктеу және мәрелік жарыстар) өткізіледі.

11.3.2. **100 метр** қашықтықта жарысқа қатысушылардың тізімі анықталғаннан кейін спортшылар әр жас санатында 8 (сегіз) адамнан тұратын топтарға бөлінеді. Өз жас санатындағы ең жылдам 8 (сегіз) қатысушы жеңімпаздар анықталатын соңғы жарыстарға шығады. Егер жас санатында қатысушылардың саны 8 (сегіз) немесе одан аз болса, онда жеңімпаз анықталатын бірден финалдық жүгіру өткізіледі.

11.3.3. **1000 метр** қашықтықта жарысқа қатысушылардың тізімі анықталғаннан кейін спортшылар әр жас санатында 25 (жиырма бес) адамнан тұратын топтарға бөлінеді. Өз жас санатындағы ең жылдам 20 (жиырма) қатысушы жеңімпаздар анықталатын соңғы жарыстарға шығады. Егер жас санатында қатысушылардың саны 25 (жиырма бес) немесе одан аз болса, онда жеңімпаз анықталатын бірден мәрелік жүгіру өткізіледі.

11.3.4. **3000 метр** қашықтықта жарысқа қатысушылардың тізімі анықталғаннан кейін спортшылар әр жас санатында 25 (жиырма бес) адамнан тұратын топтарға бөлінеді. Барлық жарыстардың қорытындысы бойынша әр жас санатындағы ең жылдам үш нәтиже жеңімпаз атанады.

11.3.5. Жарысқа қатысушылар тек өз уақытында бастауға міндетті. Жарысқа қатысушылардың әрбір санатының сөре уақытын Ұйымдастыру комитеті ресми ақпарат көздері арқылы алдын ала белгілейді және жариялайды. Өз тобынан сөрелі бастамау жарыстан шеттетуге (DNF) алып келеді.

11.3.6. Егер бір жас санатындағы спортшылар саны 12-ге тең немесе одан аз болса — мәре бір жарыста өткізіледі.

11.3.7. Жарыстың ресми нәтижелері Жарыс аяқталғаннан кейін 24 (жиырма төрт) сағат ішінде [www.almaty-marathon.kz](http://www.almaty-marathon.kz) интернет-сайтында жарияланады.

11.3.8. Жарысқа қатысушының нәтижесі сөрелік нөмір дұрыс орналасқан жағдайда ғана тіркеледі.

11.3.9. Жарыстың Ұйымдастыру комитеті төмендегі жағдайларда Жарысқа қатысушылардың әрқайсысы жеке нәтижесін 100% алатынына кепілдік бермейді:

- чип дұрыс бекітілмегенде;
- чип магнитсізденгенде;
- жарыстың төрешілер алқасының шешімі бойынша Жарысқа қатысудан шеттетілгенде.

### **11.4. Нәтижелерді шығару кезінде қолданылатын терминология:**

- DNS – Did not start (қатысушы сөреге шықпады)
- DNF – Did not finish (қатысушы мәреге жетпеді)
- DSQ – Disqualified (қатысушы жарыстан шеттетілді)
- CR – Championship Record (жарыстар рекорды)
- GUN TIME – Қатысушының мәреге жету уақыты. Сөре белгісінің берілуінен бастап қатысушының мәре төсеніштерін кесіп өтуіне дейінгі уақыт
- CHIP TIME – Қатысушының жеке уақыты. Қатысушының сөре төсеніштерін кесіп өтуінен бастап мәре төсеніштерін кесіп өтуіне дейінгі уақыт

**МАҢЫЗДЫ! Жеңімпаздар мен жүлдегерлер қатысушының GUN TIME мәреге жету уақыты бойынша анықталады.**

## **12. ЖАРЫС ЖЕҢІМПАЗДАРЫН МАРАПАТТАУ**

### **12.1.**

- 18-24 жастағы, 25-30 жастағы, 31-35 жастағы, 36-40 жастағы, 41-45 жастағы, 46-50 жастағы, 51 жастан асқан ерлер мен әйелдер арасында 100 м, 1000 м және 3000 м барлық қашықтықтарына қатысушыларды 1-3 орын үшін марапаттау.
- Жеңімпаздар мен жүлдегерлер грамота мен жүлдегер медалін алады.

**12.2.** Жарыстың мәреге жеткен барлық қатысушылары мәреші медалін алады.

**12.3.** Жарысқа қатысушы жүлделі орынды иеленгені үшін грамотасы мен медалін Жарыс кезінде алып кетпеген жағдайда, ол оны Жарыс өткеннен кейін 10 (он) жұмыс күні ішінде Алматы қаласы, әл-Фараби даңғылы, 5-үй, 1а блогы, 501-кеңсе мекенжайындағы «Бірінші болу – батылдық» Корпоративтік Қорының Ұйымдастыру комитетінің кеңсесінен сағ. 09:00-ден 18:00-ге дейін алып кете алады.

Жарысқа қатысушы грамотасы мен медалін өздігінен алып кете алмайтын және оларды алуды сенімді адамға табыстағысы келетін жағдайда, Жарыс жеңімпазы [info@almaty-marathon.kz](mailto:info@almaty-marathon.kz) электронды поштасына Ұйымдастыру комитеті алушының есебінен сыйлықтарды жолдай алатын мекенжайды жіберуі тиіс.

Бұл опция Қазақстан Республикасының резиденттеріне ғана қолжетімді.

**12.4.** Мерзім аяқталғаннан кейін Ұйымдастырушы грамота мен медальды бермеу құқығын өзіне қалдырады.

### **13. ЖАРЫС МАРШРУТЫНДА ӨЗІН ҰСТАУ ЕРЕЖЕЛЕРІ**

**Жарыстар 2022-2023 жж. World Athletics (бұдан әрі – WA) ережелері бойынша өткізіледі.**

**13.1.** Біздің ұсынымдарымыз:

- Екі және одан көп қатысушылармен бір қатарда жүгірмеу.
- Жай жүруге көшкенде жолдың оң жағын ұстану.

**13.2.** Мыналарға тыйым салынады:

- Арбадағы спортшылардан және балаларға арналған арнайы жүгіру арбалары бар қатысушылардан басқа барлық адамдарға кез келген механикалық қозғалыс құралдарын (самокат, велосипед, роликтер және т.б.) пайдалануға.
- Жарысқа құлаққаппен қатысуға. Қатысушы басқа жүгірушілердің, төрешілердің, ұйымдастырушылардың және Жарысты ұйымдастыруға тартылған басқа да адамдардың ескертулерін естуге міндетті.
- Жануарлармен қатысуға.
- Алкогольден немесе есірткіден масаю күйінде қатысуға.
- Басқа қатысушыларға қауіпті болуы мүмкін кез келген заттармен қатысуға.
- Серуендеу арбаларымен қатысуға.
- Трассада тоқтауға. *Өзін нашар сезінген жағдайда, қатысушы мүмкіндігінше Жарыстың басқа қатысушыларының қозғалысына кедергі келтірмей, жарысқа қатысуын тоқтатып, жол шетіне шығуы қажет.*
- Қатысушылардың қозғалысына және жарысты ұйымдастыруға басқа да тәсілдермен кедергі жасауға.
- Қатысушы тамақ немесе сусын алып жатқанда, команданың ресми тұлғаларының, басқа адамдардың ешқайсысының қатысушының жанында жүруге, жүгіруге, болуға құқығы жоқ.
- Ережені бұзғаны үшін қатысушы жарыстан шеттетіледі.

**13.3** Өткізу ережелерімен World Athletics сайтында танысуға болады: <https://qazathletics.kz/ru/dokumenty/dokumenty-iaaf>

### **14. ЖАРЫСТАН ШЕТТЕТУ**

**14.1.** Жарыстың Ұйымдастыру комитеті мына жағдайларда Жарыс қатысушысын Жарыстан шеттетуге құқылы:

- қатысушы жүгіруді сөре ресми түрде берілмей тұрып бастағанда (фальстарт);
- қатысушы жүгіруді сөре аймағы жабылғаннан кейін бастағанда;
- қатысушы сөреге сөрелік нөмірсіз шыққанда;
- қатысушы бір фальстарт жасады;
- қатысушы Жарыстың Ұйымдастыру комитетінің, төрешілерінің немесе бас дәрігерінің нұсқаулары мен ескертулеріне назар аудармағанда;
- қатысушы Жарыс ережелерін бұзғанда.

**14.2.** Қатысушының Жарыс өтіп жатқан кезде бейнекамераны, ұялы телефонды немесе смартфонды, радионы, плеерді, құлаққапты және басқа да аппаратураны алып жүргені немесе пайдаланғаны анықталған жағдайда, ол жарыстан шеттетіледі;

**14.3.** Жарысқа қатысушылар мына жағдайларда қорытынды хаттамадан шығарылады:

- қатысушы басқа адамға тіркелген басқа біреудің нөмірімен жүгіргенде;
- қатысушы қашықтықты қысқартқанда;
- қатысушы өтінім берілмеген қашықтықты жүгіргенде;
- қатысушы қол астындағы көлік құралын (велосипедті, самокатты, басқаларын) пайдаланғанда;
- қатысушы жүгіруді сөре аймағынан тыс бастағанда;
- қатысушы жүгіруді өз кластерінен бастамағанда;
- қатысушы нақты жарыстың ресми нөмірінсіз жүгіргенде немесе нөмір киімнің астында жасырылғанда;
- осы Ереженің қағидаларын бұзғанда.

## **15. ЖАРЫСТЫҢ ТӨРЕШІЛЕР АЛҚАСЫ**

**15.1. Жарыстың төрешілер алқасы** – төрешілер Жарыс ережелерінің сақталуын, Жарысқа қатысушылар арасындағы спорттық доданың әділ және адал жүргізілуін, ал Жарыс жеңімпазының объективті түрде анықталуын мұқият қадағалайды. Жарысқа қызмет көрсететін барлық спорт төрешілері Жарыстың Төрешілер алқасын құрайды.

**15.2. Жарыстың Төрешілер алқасының құрамына мыналар кіреді:**

• **Жарыстың Бас төрешісі:**

*Жарыстың Бас төрешісі* Жарыстың жекелеген төрешілері арасында міндеттерді бөледі, ал Жарыс аяқталған кезде бас төреші Жарыстың Ұйымдастыру комитетіне ол туралы жазбаша есеп береді.

• **Жарыстың Бас хатшысы:**

*Жарыстың Бас хатшысы* хаттамаларды өңдейді және нәтижелерді шығарады, төрешілерді, қатысушыларды және көрермендерді сөренің барысы туралы хабардар ету үшін қажетті материалдарды уақтылы дайындайды, ал Жарыс аяқталғаннан кейін нәтижелер бойынша жалпы есепті құрастырады.

• **Жарыстың сөре-мәре аймағының төрешілері:**

*Жарыстың сөре-мәре аймағының төрешілері* сөре кезінде ережелердің сақталуы және ешкімнің артықшылықтарға ие болмауы үшін Жарысқа қатысушылардың қашықтыққа өз жолдарына сәйкес шығуын қатаң қадағалайды. Мәре түзуінде төрешілер барлық мәрешілерді мәре хаттамаларына тіркейді. Хаттамалар нәтижелерді хронометраж жүйесімен салыстырып тексеру үшін Жарыстың Бас төрешісіне ұсынылады.

Жарыстың Төрешілер алқасына кәсіби спортшылар мен мамандарды шақыруға рұқсат етіледі.

**15.3. Жарыстың Бас дәрігері:**



*Жарыстың Бас дәрігері* жарыс жолында және Жарыстың сөре-мәре қалашығында медициналық қызметкерлер мен Жарыс еріктілерінің жұмысына жетекшілік етеді. Қажет болған жағдайда, Жарыстың Бас дәрігері қатысушыны Жарыстан алып тастай алады.

## 16. ФОРС-МАЖОР

**16.1.** Қазақстан Республикасының мемлекеттік органдары/ұйымдары/қызметтері, соның ішінде жергілікті өзін-өзі басқару органдары тарабынан Жарысты өткізуге ресми тыйым салынған жағдайда, Жарыс кейінірек мерзімге ауыстырылады. Жарысқа қатысушылардың осыған дейін төлеген барлық сөрелік жарналары автоматты түрде Жарыс өтетін жаңа күнге ауыстырылады. Жарысты өткізудің нақты (жаңа) күні қатысушыларға осы Ереженің 19-бабында көрсетілген Ұйымдастырушының Ақпараттық дереккөздерінде осы ақпаратты орналастыру, сондай-ақ Жарысқа тіркелу кезінде Жеке кабинетте көрсетілген Қатысушының жеке поштасына Ұйымдастыру комитетінің хабарламалар жіберуі арқылы кейінірек хабарланады.

## 17. НАРАЗЫЛЫҚТАР МЕН КІНӘРАТ-ТАЛАПТАР

**17.1.** Наразылықтар Жарыстың Ұйымдастыру комитетіне беріледі және оларды Жарыстың Төрешілер алқасы қарайды.

**17.2.** Жарысқа Қатысушы Жарыс аяқталғаннан кейін күнтізбелік 2 (екі) күн ішінде кінәрат-талап қоюға құқылы.

Кінәрат-талаптар [info@almaty-marathon.kz](mailto:info@almaty-marathon.kz) электронды поштасына жіберіледі.

Кінәрат-талап қою кезінде Жарысқа қатысушы мына деректерді көрсетуі қажет:

- қатысушының аты-жөні (анонимді өтініштер қаралмайды);
- кінәрат-талаптың мәні, кінәрат-талаптың мазмұны;
- кінәрат-талаптың негіздері (фото- немесе бейнежазба).

**17.3.** Жарыстың Ұйымдастыру комитеті наразылық және/немесе кінәрат-талап алынған мезеттен бастап 24 (жиырма төрт) сағат ішінде Жарыс қатысушысына ресми жауап дайындайды, ол кінәрат-талап/наразылық берілген электронды адреске жіберіледі.

**17.4.** Кінәрат-талаптар тек Жарыс қатысушыларынан ғана қабылданады.

## 18. БҰҚАРАЛЫҚ АҚПАРАТ ҚҰРАЛДАРЫН АККРЕДИТТЕУ

**18.1.** Жарысқа бұқаралық ақпарат құралдарын аккредиттеу алдын ала жүргізіледі. Жарысқа аккредиттеу үшін **2024 жылғы «16» наурызға дейін** [prmanager@almaty-marathon.kz](mailto:prmanager@almaty-marathon.kz) электронды поштасына деректерді (БАҚ атауы, тілшінің, оператордың, фотографтың аты-жөні, байланыс телефоны және e-mail адресі) жіберу қажет.

## 19. ЖАРЫСТЫҢ АҚПАРАТ КӨЗДЕРІ

**19.1.** Жарыс туралы толық ақпарат [www.almaty-marathon.kz](http://www.almaty-marathon.kz) интернет-сайтында, сондай-ақ Ұйымдастыру комитетінің келесі әлеуметтік желі аккаунттарында орналастырылған:

- <https://vk.com/almatymarathon>;
- <https://www.facebook.com/almatymarathon/>;
- <https://www.instagram.com/almatymarathon/>;
- [t.me/almaty\\_marathon](https://t.me/almaty_marathon).

**Жарыстың Ұйымдастыру комитеті басқа ақпараттық ресурстарда орналастырылған ақпарат үшін жауапкершілік көтермейді.**

## 20. ЖАРЫС ТУРАЛЫ АҚПАРАТТЫ ЖАРИЯЛАУ ҚҰҚЫҚТАРЫ

**20.1.** Спорттық жарыстың бейнесін және (немесе) дыбысын кез келген тәсілмен және (немесе) кез келген технологияның көмегімен трансляциялау, сондай-ақ аталмыш трансляцияны бейнежазбаға түсіру арқылы Жарыс туралы ақпаратты бұқаралық ақпарат

құралдарында жариялаудың айрықша құқығы «Бірінші болу – батылдық» корпоративтік қорына (бұдан әрі — Құқық иесі) тиесілі.

Құқық иесі спорттық жарыс туралы ақпаратты жариялау құқықтарын үшінші тұлғалардың сатып алуы туралы үшінші тұлғалармен жазбаша түрде шарттар жасасуға құқылы.

## **21. ҚОРЫТЫНДЫ ЕРЕЖЕЛЕР**

**21.1.** Жарысты өткізу туралы осы Ереже Жарысқа қатысуға ресми шақыру болып табылады.

**21.2.** Ұйымдастыру комитеті Жарысты өткізу туралы осы Ережеге өзгерістер енгізу құқығын өзіне қалдырады.